



Clastra dallas soras dominicanas, Glion (GR)

«Dis da Sentupada»

ils 7 – 9 da fevrer 2025

La stad 2023 ha la Fundaziun Retoromana (FRR) fatg ina retscherca davart ils basegns dallas participontas e participonts dil Cuors romontsch sursilvan (CR). Facit: In grond diember da participontas e participonts dils livels aults vulessen bugen s'entupar inaga duront il temps denter ils cuors da stad, tgirar lur amicezias e far in bogn intensiv el lungatg romontsch ed en sia cultura. Sin basa da quei resun realisescha la FRR il 2025 per l'emprema ga ils "Dis da Sentupada", ina fin d'jamna tenor il motto:

Cumpact. Familiar. Romontsch.

Aschia vegnan tut ils arranschaments realisai exclusivamein per romontsch (luvratoris, seminaris, prelecziuns, referats, purschidas culturalas).

La purschida sedrezza denton buca mo a participontas ed a participonts dil Cuors romontsch, mobein **a tuttas persunas interessadas al lungatg romontsch ed a sia cultura, dalunsch e damaneivel.**

Ils Dis da Sentupada includan denter auter:

- in cuors modular analog al nivel 8 dil CR 2024 (mira '[Level 8 en moduls](#)'). Participontas e participonts san eleger mintgamai in da plirs moduls che vegnan instrui parallelamein, sonda avonmiezdi e dumengia avonmiezdi). Cuntegns pusseivels: actualitad, tematicas dil mintgadi, grammatica, linguistica, derivonza dils plaids, litteratura, historia dil lungatg, sociolinguistica, cultura, art, economia ed ecologia ella regiun, turissem, auters idioms e lungatgs.
- in program public (venderdis sera e sonda naven dallas 14.00)

Bernard Maissen e dus chors mischedai

La FRR ha grond plascher ch'ella ha saviu gudignar Bernard Maissen, directur digl Uffeci federal per communicaziun (UFCOM), per realisar cun el il punct da program public venderdis sera.

In auter punct culminont da quella fin d'jamna ei la participaziun dil [Chor Uvriu Danis-Tavanasa](#) ed il [Chor mischedau Sevgein](#) ad ina sera da cumpignia. Mintgin dad els vegn a cantar la sonda sera rodund 25 minutas canzuns romontschas e suenter a separticipar ad in cant aviert. Cun quei punct da program public involva e plidenta la FRR aposta era persunas indigenas e possiblitescha aschia in inscunter prezius denter quellas e las participontas ed ils participonts dil cuors.

Cuors e program (Il program detagliau suonda 2 jamnas avon il cuors.)

Ils puncts da program **en blau** ein publics.

Venderdis, ils 7 da fevrer 2025

17.30	Apero da beinvegni
18.15	Tscheina
20.00	«Tonscha il sustegn dil stadi pil survivor dallas medias romontschas?» Referat e discuors cun Bernard Maissen
21.30	Puschegn e star da cuminonza

Sonda, ils 8 da fevrer 2025

07.45	Solver
09.00 – 10.30	Cuors modular (analog al nivel 8 dil Cuors romontsch)
10.30 – 11.00	Pausa
11.00 – 12.30	Cuors modular
12.30	Gentar
14.00 – 17.30	3 puncts da program: 1. Perfeziunament linguistic 2. Fumitgasa ni giuvintschella? – Differenzas denter ils idioms cun Chasper Pult 3. Praulas dalla Surselva cun Sandra Blum alias “Fumitgasa Greta”
17.30 – 18.10	‘Après-programme’ sin terrassa dalla claustra cun fiug, vin cauld e punsch
18.15	Tscheina (reservaziun necessaria)
20.00 – 21.00	Sera da cumpignia (part 1) (reservaziun necessaria) Chor Uvriu Danis-Tavanasa e Chor mischedau Sevgein, canzuns romontschas (2x 25')
21.00	Sera da cumpignia (part 2) Cant aviert (cun Conradin Klaiss) Puschegn

Dumengia, ils 9 da fevrer 2025

07.45	Solver
09.00 – 10.30	Cuors modular
10.30 – 11.00	Pausa
11.00 – 12.30	Cuors modular
12.30	Gentar
14.00 – 14.30	Punct da program
14.30 – 14.45	Finiziun/cumiau
15.09 ni 16.09	Partenza auto da posta direcziun Glion

Cuosts ed annunzia

CHF 260 (excl. albiert e dunsena).

Students* (16 – 25 onns): CHF 170.

Scolars* (tochen 16 onns): CHF 100.

Annunzias tumprivas **tochen ils 31 da december 2024** profiteschon dad ina **reducziun** dil prezi da cuors da **CHF 30**.

Ti sas bugen s'annunziar pils 'Dis da Sentupada' tier la FRR cul **formular online**. Ti'annunzia ei valeivla, da quei mument che la FRR ha confirmau Tiu pagament. Las annunzias vegnan risguardadas tenor la successiun da lur entrada.

La casa hospitonta

La Casa da Sentupada (ch'ei part dalla claustra) ei in liug per formaziun e reflexiun, el qual las participontas ed ils participonts da cuors san prender dunsena ed albiert. Tgi che fa diever da quella pusseivladad, sa profitar grondamein digl ambient famigliar.

El **sistem da reservaziun online** vegnan ils termins dils 7- 9 da fevrer 2025 indicai sco occupai tier las combras singulas. Quei ei aschia, perquei che las combras ein reservadas aposta per participontas e participonts dils 'Dis da Sentupada - pia per Tei!

Ti'annunzia per albiert e dunsena pren la Casa da Sentupada bugen encunter. Ti sas reservar Tia combra per telefon ni per e-mail, culla remarca: Participont* dils 'Dis da Sentupada'.

081 926 95 40, hausderbegegnung@klosterilanz.ch

Organisatura e realisatura

La Fundaziun Retoromana Pader Flurin Maissen ei ina instituziun da NON-PROFIT. Dapli davart la Fundaziun Retoromana anflas Ti sut frr.ch. Menader da fundaziun e direcziun dils cuors: Conradin Klaiss

Contact: cuorsromontsch@frr.ch



Venderdis, ils 7 da fevrer 2025, dallas 20.00

«Tonscha il sustegn dil stadi pil surviver dallas medias romontschas?»

Referat e discuors

cun Bernard Maissen

menader digl Uffeci federal per communicaziun (UFCOM)

Bernard Maissen, annada 1961, ha studegiu germanistica, historia e schurnalissem all'universitad da Friburg ed ha luvrau suenter en differentas funcziuns sco schurnalist e schefredatur. Avon sia midada sco menader dalla partizun medias egl l'UFCOM il 2018 eis el staus schefredatur e commember da direcziun dall'Agentura svizra da depeschas (sda).

En funcziun sco directur digl UFCOM ei Bernard Maissen dapi igl 1. da fenadur 2020.



Sonda, ils 8 da fevrer 2025, dallas 16.30

«Praulas dalla Surselva»

raqintadas da Sandra Blum

alias fumitgasa Greta

Sandra Blum ei carschida si a Glion ed ha fatg ina scolaziun sco raqintadra professiunala da praulas tier la fundaziun da praulas Mutabor. Sco «fumitgasa Greta» raquenta ella dapi sis onns praulas per affons e carschi.

Greta ei ina fumitgasa huslia dil temps vargau. Ella ei fetg paupra, pertgira denton in grond scazi: ina truca veglia plein praulas e pintgas custeivladads. Quella truca misteriusa arva ella per vus e pren vus sin in viadi fantastic el mund dallas praulas. Mo, tgei ei ina praula insumma? E tgei praulas sezuppan el scazi dalla Surselva? Vegni e tedlei las historias veglias da dialas e d'utschals miraculus.